

Opinion publico

Elogio pa Radio Kelkboom di un fiel scuchador.

ORANJESTAD (AAN) – Recien mi a lesa e noticia tristo di “Ayo Radio Kelkboom”, y mi a dicidi reaccioná trece mi opinion. Manera mi a splica tristeza enorme a yena mi curazon y mi a corda e temponan aya, e radioemisora

asina bunita y con dushi su programanan tabata zona den mi ocreanan, y sigur henter Pueblo di Aruba.

For di mucha mi por bisa cu mi a scucha Radio Kelboom, mi a lanta ta scucha y specialmente segun mi a crece,

e programa di Rancheranan di tur atardi, ki felicidad y alegria el a trece pa mi.

Awe, mi no por laga esaki pasa voorbij sin reaccioná ya cu Radio Kelboom tabata toca tur sorto di cantica den su diferente programa.

“Butishi di Alegria”, otro programa tipicamente Arubiano di nos, tambe awe lo no tey mas, y asina hopi di su bunita programanan lo bay cune.

Mi ta haya cu nos radioemisora cu tin awe mester

tuma ehempel di Radio Kelkboom cu tabata toca su musicanan crioyo dunando prioridad na tur loke ta di nos na Aruba.

Pa loke ta nos radioemisora local, tin dos mi a pone number pa nan: “Voz di Stranheronan”, pasobra ta tur loke ta di otro paisnan so nan ta toca, menos loke ta di nos Aruba y mi a yega critica esaki varios biaha, pero no a bin cambio.

Pa colmo algun radioemisora ta toca e musica di nos pais hinke den nan propaganda, asina si e ta bon pa toca den propaganda !

Tin un radioemisora na Noord, y otro na Playa cu ainda por bisa cu nan ta tene cuenta cu e pueblo Arubiano y ta toca loke ta di nos aki.

Radio Kelkboom, ayo, mi tabata un bon y fiel scuchador di bo programanan pa añanan for di mi hubentud y mi a crece te na edad di pension y pesey hopi elogio pa tur e añanan di servicio”, segun e lector cu a yama redaccion di DIARIO.